

ՄԵԾԻ ՊԱՀՈՑ ՇՐՋԱՆԻ ՔԱՐՈՉՈՒԹՅՈՒՆՆԵՐԻ ՇԱՐՔ ՀԱՅԱՍՏԱՆԻ ԹԵՄԵՐՈՒՄ

Ճրանսիա և Ավստրալիա կատարած իր հովվապետական այցելություններից վերադառնալուց անմիջապես հետո, Նորին Սրբություն Գարեգին Ա Ամենայն Հայոց Կաթողիկոսը Հայաստանի այլազան թեմերում ձեռնարկել է Մեծի Պահոց շրջանի քարոզների շարք:

Վեհափառ Հայրապետը ուրբաթ օրը, մարտի 7-ին, երեկոյան հսկումի ժամերգությունից հետո, իր անդրանիկ քարոզը տվեց Երևանի Ս. Սարգիս եկեղեցում, որտեղ բարիգալստյան խոսքով Վեհափառ Հայրապետին ողջունեց Արարատյան հայրապետական թեմի առաջնորդական փոխանորդ Գարեգին արք. Ներսիսյանը:

Ծաբաթ օրը, մարտի 8-ին, Արամ Խաչատրյան համերգասրահում հերթական հոգևոր համերգից հետո, Նորին Սրբությունն իր խոսքն ուղղեց հազարավոր ունկնդիրներին՝ նրանց հորդորելով Մեծ Պահքի շրջանում մաքրվել հոգով ու գործով:

Երեքշաբթի օրը, մարտի 11-ին, Նորին Սրբությունը հավատացյալ ժողովրդին կքարոզի Աշտարակի Ս. Մարինե եկեղեցում և ապա իր պատգամը կտա քաղաքի Մշակույթի տանը:

Գարեգին Ա Վեհափառ Հայրապետը կքարոզի նաև Ծիրակի, Կոտայքի և Գեղարքունյաց թեմերում:

Ուրբաթ օրը, մարտի 14-ին, Նորին Սրբությունը կայցելի Մալաթիայի Հայորդյաց տներ և խոսք կուղղի այնտեղ ուսանող սաներին և ծնողներին:

Իր քարոզների շարքով Վեհափառ Հայրապետը հոգևոր վերաթնության է հրավիրում մեր ժողովրդի զավակներին՝ ի պատրաստություն Քրիստոսի Հարության մեծ տոնին:

Ն.Ս.Օ.Տ.Տ. ԳԱՐԵԳԻՆ ՎԵՀԱՓԱՌԻ ԱՅՅԸ ԱՐԱԳԱԾՈՏՆԻ ԹԵՄ՝ ԱՇՏԱՐԱԿԻ Ս. ՄԱՐԻՆԵ ԵԿԵՂԵՅԻ

Սույն թվականի մարտի 11-ին Վեհափառ Հայրապետը, ուղեկցությամբ Արագածոտնի թեմի Առաջնորդ Նավասարդ վրդ. Կճոյանի, Արտակ արք. Տիգրանյանի, Բագրատ արք. Գալստյանի, Հայրապետական առաջին այցելությունը տվեց Արագածոտնի թեմի Աշտարակի Ս. Մարինե եկեղեցու հավատացյալ զավակներին: Վեհափառ Հայրապետն արդեն իսկ ավանդություն է դարձրել Մեծի Պահոց քառասնօրյա շրջանին այցելել Հայաստանի տարբեր թեմերի եկեղեցիներ՝ իր ժողովրդի զավակներին մխիթարելու և հայրենի ավանդությունները վերակենդանացնելու քարոզության նպատակով:

Աշտարակի Ս. Մարինե եկեղեցու բակում հավատացյալների խումբերամբազմությունը, մարգարեա Հրաչիկ Գրիգորյանի, քաղաքապետ Կարեն Գևորգյանի և թեմի հոգևորականների ու պետական-քաղաքային իշխանությունների ներկայացուցիչների գլխավորությամբ, ջերմորեն դիմավորեց Հայոց Հայրապետին:

Ապա, Վեհափառ Հայրապետի նախագահությամբ Ս. Մարինե եկեղեցում կատարված ժամերգությունից հետո, Նորին Սրբությունը պատգամեց ժողովրդին ապրել և գործել իրենց հայրերի նախանշած ուղիով՝ հայ քրիստոնյայի իսկատիպ դիմագծով:

Հավարտ սրբազան արարողության ժողովրդական խանդավառ ուղեկցությամբ Նորին Սրբությունն առաջնորդվեց Աշտարակի մշակույթի պալատ, որտեղ իր

մտածումներն ու խորհրդածությունները կիսեց այս շրջանի իր գավակների հետ՝ բացատրելով Մեծ Պահքի շրջանի էությունն ու իմաստը և այդ գեղեցիկ ավանդություններին ամուր փարվելու անհրաժեշտությունը, շեշտելով արժեքները գնահատելու գիտակցության կարևորությունը. «Մարդն է, որ արժեք է տալիս և՛ նյութին, և՛ գործիքին: Այս է, որ Մեծ Պահքի այս քառասունյա շրջանին մեր եկեղեցական արարողությունների, ընթերցումների միջից մենք պիտի ձգտենք, որ մեր ժողովուրդն առավել ևս զորանա դեպի ներքին բարեփոխություն և բարեկարգում հառաջանալու ընթացքի մեջ», — եզրափակեց Վեհափառ Հայրապետը:

Նույն օրը, ուշ երեկոյան, Նորին Սրբությունը վերադարձավ Մայր Աթոռ Ս. Էջմիածին:

ՎԵՀԱՓԱՌ ՀԱՅՐԱՊԵՏԻ ՀԱՅՐԱԿԱՆ ԱՅՅԸ ԳՅՈՒՄՐԻԻ ՅՈԹՎԵՐՔ Ս. ԱՍՏՎԱԾԱԾԻՆ ԵԿԵՂԵՅԻ

Սույն թվականի մարտի 12-ին Գարեգին Վեհափառը, ուղեկցությամբ Տաթև արք. Սարգիսյանի, Ասպետ վրդ. Պալյանի, Արտակ արք. Տիգրանյանի, Բագրատ արք. Գալստյանի, Կարապետ արք. Հարությունյանի և Աշոտ արք. Մնացականյանի, այցելեց Շիրակի թեմ՝ Գյումրիի Յոթվերք Ս. Աստվածածին եկեղեցի՝ Մեծի Պահոց քառասունյա պահեցողության և ապաշխարության շրջանի կարևորությունը բացատրելու, ժողովրդին զորացնելու և լիցքավորելու նախաձեռնություններով: Սա Վեհափառ Հայրապետի՝ Մեծի Պահոց շրջանում երրորդ այցելությունն էր իր հավատացյալ ժողովրդին, Երևանի Ս. Սարգիս և Աշտարակի Ս. Մարինե եկեղեցիներն այցելելուց հետո:

Գյումրի քաղաքի մուտքին Նորին Սրբությանը դիմավորեցին Շիրակի թեմի հոգևոր դասը, թեմական խորհրդի ատենապետ արն. Մարտին Թադևոսյանը, մարզպետարանի ներկայացուցիչ արն. Ավետիք Հարությունյանը, մարզի պետական, պաշտոնական ներկայացուցիչները:

Գյումրիում Վեհափառ Հայրապետը, Գյումրիի ամբողջ հոգևոր դասի, դպրեվանքի ուսանողության և ժողովրդի հոծ բազմության ուղեկցությամբ, մուտք գործեց Յոթվերք Ս. Աստվածածին եկեղեցի, որտեղ պաշտված խաղաղական ժամերգությունից հետո, Նորին Սրբությունը իր հայրական խոսքն ուղղեց ժողովրդին՝ ասելով. «Մեծ Պահքը մեր հոգևոր գարունն է: Եվ այս օրերը մեր ներաշխարհը մաքրելու, բյուրեղացնելու, զորացնելու և զարնանացնելու օրեր են: Հետևաբար, մենք ուրիշներին չնայենք, այլ հայացքներս բևեռենք մեր ներքին մարդու վրա: Ուրիշներին նայելով մենք մեզ ավելի մեծ վնաս ենք հասցնում: Թողնե՛նք: Ապրենք մտքով, խոսքով և գործով բարին արարելու նախաձեռնություններով, որպեսզի Հարության օրերին չմնանք մեռյալներ, այլ արժանանանք այդ Ս. Հարությանը»:

Այնուհետև իր ժողովրդի հետ անմիջական խոսակցություններ ունենալով և ծանոթանալով նրանց կարիքներին ու ապրումներին, Վեհափառ Հայրապետը երեկոյան վերադարձավ Մայր Աթոռ Սուրբ Էջմիածին:

ԳԱՐԵԳԻՆ Ա ԿԱԹՈՂԻԿՈՍԻ ԱՅՅԸ ԿՈՏԱՅՔԻ ՄԱՐԶ

Մարտի 17-ին Նորին Սրբություն Գարեգին Ա Ամենայն Հայոց Կաթողիկոսը մեկնեց Կոտայքի թեմ: Սույն ուղևորությունը, Մեծի Պահոց շրջանի քարոզների շրջանակներում, Նորին Սրբության հերթական այցելությունն էր:

Մարզի սահմանագլխին Վեհափառ Հայրապետին աղ ու հացով դիմավորեցին